

四庫全書

子部

欽定四庫全書

子部

記纂淵海卷七十六

詳校官中書臣涂日煥

主事臣祁韻士覆勘

總校官降調編修臣倉聖脉

校對官編修臣盧 遂

謄錄監生臣余錫福

欽定四庫全書

記纂淵海卷七十六

宋 潘自牧 撰

祭祀部

郊祀

經昊天有成命郊祀天地也

詩并序

禋祀祀昊上帝

周禮

大宗伯

冬至於地上之圜丘奏之若樂六變則天神皆

降可得而禮矣

大司馬

祭帝於郊所以定天位也

記禮

故

禮行於郊而百神受職焉

同

因吉土以饗帝於郊

禮記

帝於郊而風雨節寒暑時 祀帝於郊敬之至也

並同上

郊之祭也迎長日之至也大報天而主日也兆於南郊

就陽位也掃地而祭於其質也噐用陶匏以象天地之

性也於郊故謂之郊牲用騂尚赤也用犢貴誠也郊之

用辛也周之始郊日以至

郊特牲

祭之日王被袞以象天

戴冕璪十有二旒則天數也乘素車貴其質也旗十有

二旒龍章而設日月以象天也天垂象聖人則之郊所

以明天道也 郊之祭也大報本反始也

並同上

成七年

鼯鼠食郊牛角改卜牛鼯鼠又食其角乃免牛

春秋襄七年

年夏四月四卜郊不從乃免牲孟獻子曰吾乃今而後

知有卜筮夫郊祀后稷以祈農事也是故啟蟄而郊郊

而後耕今既耕而卜郊宜其不從也

左傳

成十七年九月

用郊用者何用者不宜用也九月非所用郊也然則郊

曷用郊用正月上辛

公羊傳

歲以十二月下辛卜正月上

辛如不從則以正月下辛卜二月上辛如不從則以二

月下辛卜三月上辛如不從則不郊矣

穀梁傳

子昔者周公郊祀后稷以配天

孝經

郊者合百神於上天

而祭祀之也

荀子

史秦文公夢黃蛇自天下屬地遂問史史曰此上帝之

證也君其祠之於是作廊時用三牲郊祭白帝焉

漢郊祀志

漢文帝十四年黃龍見於成紀詔曰有異物之神見於

成紀歲以有年朕幾郊祀上帝諸神禮官議毋諱以朕

勞有司皆曰古者天子夏親郊祀上帝於郊於是帝始

幸雍郊見五時祠衣皆尚赤

本紀及郊祀志

武帝元鼎五年十

一月辛巳朔旦冬至天子親郊詔曰巡祭后土以祈豐

年望見泰一修天文禮辛卯夜若景光十有二明朕甚

念年歲未登飭躬齋戒丁酉拜況於郊

紀本

太始二年詔

有司議曰往者朕郊見上帝西登隴首獲白麟以饋宗

廟後元元年詔曰朕郊見上帝見羣鶴留止不以羅

網靡所獲薦獻於泰時光景並見

並同

武帝定郊祀之

禮祀太一於甘泉祭后土於汾陰

禮樂志

作郊祀歌十九

章

同上

初至雍郊五時後常三歲一郊

郊祀志

後二年郊

雍獲一角獸有司曰陛下肅祗郊祀上帝報享天子

始郊拜太一公卿言是夜有美光及晝黃氣上屬天

並同

上宣帝五鳳三年詔曰朕飭躬齋戒郊上帝祠后土神

光並見或興于谷燭耀齋宮十餘刻

本紀

成帝建始元年

作長安南北郊罷甘泉汾陰祠二年罷雍五畤辛巳上

始郊視長安南郊詔曰廼者徙泰畤后土於南郊朕親

飭躬郊祀上帝皇天報應神光並見

本紀

其後甘泉泰畤

汾陰后土如故天子復親郊祀如前

郊祀志

光武隴蜀平

後乃增廣郊祀高帝配食位在中壇上

禮儀志

唐顯慶二

年許敬宗與禮官等議曰六天出於緯書而南郊圜丘

一也而玄以為二物郊及明堂本以祭天而玄皆以為

祭太微五帝

唐禮樂志

玄宗既已定開元禮天寶元年遂合

祭天地於南郊

同上

玄宗即位未郊見張九齡言願以迎

日之至升紫壇陳采席定上位則聖典無遺矣

本傳

傳記祭天紫壇幄惟高皇帝配天堂下西嚮紺幄紺席

漢官儀

集及將祀天郊報地功祈福乎上玄思所以為虔肅肅

之儀盡穆穆之禮殫然後以獻精誠奉裡祀曰允矣天

子也

張平子東京賦

配天道尊近陽義重

梁簡文頌

美報崇本嚴恭

展事受露流壇承風啟地潔粢登俎醇犧入饋

魏徵樂章

欽

惟大帝載仰皇穹始命田燭爰啓郊宮雲門駭聽雷鼓

鳴空神其介祀景祚斯融

魏徵等作園丘詩

疊壁凝影皇壇路

編珠流彩帝郊前

同上

受昭華之玉允洽人神泥封祀之

金大報天地

文粹虞帝廟碑

大君出震有事郊裡齋戒既肅馨

香畢陳樂和禮備候暖風春恭惟降福實賴明神

劉冕樂章

禋宗於地昭嘏於天惟馨薦矣既醉歆焉神之降福永

永萬年

文粹樂章

肅我成命於昭黃祇裘冕而祀陟降在斯

五音克備八變聿施禮以琮玉薦厥茅藉

賀知章樂章

除太

壇柴太清受天命報天成竦皇心薦樂聲

開元樂章

兆南郊

之正位乃陽事之所司

柳迎長日賦

本朝古者大事皆避月晦南郊必用冬至之日周禮也

皇祐四年當郊而日至在晦遂改為明堂藝祖四年郊

日至亦在晦至期實儼始上聞不得已乃用十六日甲

子非日至而郊惟此一舉講之不素也

避暑
銖

國朝沿唐

制置五使宰臣為大禮使太常卿為禮儀使御史中丞

為儀仗使兵部尚書為鹵簿使知開封府為橋道頓迎

使南郊親祀酌獻用禧安之曲丹雲之爵金龍之杓

挹於樽罍是曰清酌

會要

祀五帝

經祀五帝則掌百官之誓戒與其具修

周禮
太宰

祀五帝奉

牛牡羞其肆

大司徒

以青圭禮東方以赤璋禮南方以白

琥禮西方以玄璜禮北方

大司徒

兆五帝於四郊

小司徒

若

禋祀五帝位誓百官戒於百侯奉其明水火

大司徒

春其

帝太皞夏其帝炎帝中央土其帝黃帝秋其帝少皞冬

其帝顓頊

記月令

史漢高祖問故秦時上帝祠何帝也羣臣對曰有白青

黃赤帝之祠高祖曰吾聞天有五帝而四者何也莫知

其說於是高祖曰吾知之矣廼待我而後成也廼立黑

帝祠名曰北時

前郊祀志

文帝時新垣平上言長安東北有

神氣成五色若人冠冕焉宜立祠上帝以合符應於是

作渭陽五帝廟明年帝以郊見渭陽五帝遂出長門若

見五人於道北遂因其直立五帝壇祠以五牢王莽

奏周官兆五帝於四郊山川各因其方今五帝兆俱在

雍五時不合於古

並同上

昔在上古生為明王沒則配五

行故太昊配木神農配火黃帝配土少昊配金顓帝配

水此五帝者配天之神同兆於四郊報之於明堂或以

為五精之神佐天育物前代莫之或廢

唐禮志

唐永徽二

年以高祖配五天帝以太宗配五人帝

唐禮志

集金縣詔肆玉俎朝陳享薦黃道分派紫辰乃誠乃敬

載享載禋

唐祀黃帝樂章

元鳥司春蒼龍登歲瑤席降神朱絃

享帝誠備祝嘏禮殫珪幣

祀青帝

昭昭丹陸奕奕炎方禮

陳牲幣樂備虎黃瓊羞溢俎玉齊浮觴

祀赤帝

律應西成

氣踵南呂珪幣咸列笙竽備舉苾苾蘭羞芬芬桂醑

祀白帝

帝陽月斯紀應鍾在候載潔牲粢愛登俎豆既高既遠

無聲無臭

祀黑帝

本朝乾德二年太常禮院言舊例正月上辛祀昊天

帝以順祖配坐以五方帝為從祀

會要

祀感生帝

本朝乾德元年聶崇義請別祀赤帝為感生帝每正月別壇而祭從之二年太常禮院言舊例祀昊天上帝以五方帝為從祀且祀為感生尊而奉之也列於從祀降而卑之也欲望於上二日祀昊天上帝從祀之內不設

赤帝一坐所貴顯特尊於感生帝奉勅宜依會要皇上淳祐丙午朔龍翔宮以奉感生帝每四時孟饗畢車駕臨

幸行禮抵報

祠太一

史亳人薄誘忌奏祠太一方曰天神貴者太一太一佐曰五帝於是天子立其祠長安東南郊其後人有上書言古者天子三年一用太牢其祠神三一天一地一泰一天子許之史記漢武帝朝武帝置壽宮神君神君最貴者曰

太一其佐曰太禁

漢郊祀志

傳記太一天之尊神祠在楚東以配東帝故曰東皇太

一

楚辭注

集吉日兮辰良穆將愉兮上皇撫長劍兮玉珥鏐鏐鳴

兮琳琅瑤席兮玉璵盍將把兮瓊芳蕙肴蒸兮蘭藉奠

桂酒兮椒漿揚枹兮拊鼓疏緩節兮安歌陳竽瑟兮浩

倡靈偃蹇兮姣服芳菲菲兮滿堂五音紛兮繁會君欣

欣兮樂康

楚辭東皇太一

本朝景祐二年章得象等言司天監生于淵奏祠九宮神位止用一局乞將九宮太一經依年飛移位次祭告謹按郊良過九宮有飛棊立成圖每歲一移兼推九州所生災害之法乞隨貴神每年飛棊之方旋定祭位從之其法自天聖七年己巳入歷太一在乙宮歲進一位飛棊巡行周而復始會要

祭日月

經圭璧以祀日月

周禮典瑞

郊之祭也大報天而主日配以

月記祭義祭日於壇祭月於坎以別幽明以制上下祭日

於東祭月於西以別外內以端其位同上王宮祭日也夜

明祭月也祭法

史三代之禮春朝朝日秋暮夕月所以明有敬也前賈誼傳

疏漢武帝元鼎五年天子親郊見朝日夕月本紀朝日以

五采夕月以少采同上祭日以牛祭月以羊彘郊祀志宣帝

成山祠日萊山祠月同上建武二年初置郊兆於雒陽日

月在中營內南道日在東月在西祭志魏文帝詔曰漢

氏旦夕常於殿下東西拜日月煩褻似家人之事非事

天神之道也

晉禮志

魏明帝太和二年二月祀朝日於東

郊八月夕月於西郊始得古禮 晉春分祀朝日於東

秋分祀夕月於西

並同上

日月於壇第一等大明於東陞

之南夜明於西陞之北席皆以藁秸

唐禮志

日以圭璧幣

以青月以圭璧幣以白

大明青犢夜明白犢

並同上

傳記先王朝日夕月以教民事君

國語

禮日於東門之外

禮月於西門之外

儀禮

祀日月於北郊以為地祇也

通凡典

祭日月一歲有四焉迎氣之時祭日於東郊祭月於西郊一也二分祭日月二也郊之祭大報天而主日配以月三也日月祭天宗合祭日月四也

同上

集朝日闔陽播氣甄曜垂明有赫圓宰深仁曲成日嚴蒼壁煙開紫營聿尊虔享式降鴻禧

唐樂章

惟聖格天惟

明享日帝郊肆類王宮戒吉珪奠春舒鍾歌曉溢禮云

克被斯文有秩

同上

夕月測妙為神通微曰聖坎祀貽則郊裡展敬壁薦登

光金歌動映

唐樂章

肅晨事舉天宗禮闕夜典涼秋陰明

堪夕有齊斯旨有牲斯碩穆穆其輝穰穰是積晨儀

式薦明祀惟光神物爰止靈暉載揚元端肅事紫幄興

祥

並同上

祭風雨

經以樛燎祀風師雨師

周禮大宗伯

兆風師於西郊兆雨師

於北郊

小宗伯注

史圓壇外營祀風伯雨師之厲

後祭祀志

以丙戌日祠風伯

於戌地以己丑日記雨師於丑地上

本朝風伯雨師為小祀

祀令

祭社稷

經湯既勝夏欲遷其社不可作夏社

書序

乃社于新邑

召詰

設其社稷之壝而樹之田主各以其地之所宜木

周禮大司

徒

以靈鼓鼓社祭

鼓人

教帔與舞帥而舞社稷之祭祀

舞師

以血祭祭社稷

大宗伯

建國之神位右社稷

小宗伯

凡天地

之大裁類社稷則為位

同社壝

用大壘祭社稷則希

卷人

冕

司服

獻禽以祭社

大司馬

掌珥于社稷

小社

稷之中未施

敬於民而民敬之

記檀弓

天子社稷皆太牢諸侯社稷皆

少牢

王制

祀社於國所以列地利也

禮運

禮行於社而百貨

可極焉

同上

社祭土而主陰氣也君南鄉於北墉下答陰

之義也日用甲用日之始也天子大社必受霜露風雨

以達天地之氣也是以喪國之社屋之不受天陽也薄

社北牖使陰明也社所以神地之道也

郊特牲

唯為社事

單出里唯為社田國人畢作唯社丘乘共粢盛所以報

本反始也

上同

王自為立社曰王社諸侯自為立社曰侯

社

祭法

厲山氏之有天下也其子曰農能殖百穀夏之衰

也周棄繼之故祀以為稷共工氏之霸九州也其子曰

后土能平九州故祀以為社

上同

社稷五祀是崇是奉

左傳

稷田正也有烈山氏之子曰柱為稷因夏以上祀之周

棄亦為稷自商以來祀之

上同

夏后氏以松殷人以柏周

人以栗

論語

子犧牲既成粢盛既潔祭祀以時然而旱乾水溢則變

置社稷

孟
子

史漢高祖立官社配以夏禹未立官稷至平帝時王莽等奏於官社後立官稷以夏禹配食官社后稷配食官

稷世祖中興不立官稷

後漢志

建武二年立太社稷於洛

陽

祭祀志

自漢至魏太社有稷而官社無稷故常二社一

稷也

晉禮志

傳咸上表曰天子自為立社者為藉田而報

者也國以人為本人以穀為命故又為百姓立社而祈報焉帝社祝曰坤德厚載邦畿是保乃建帝社以神地

道

並同

魏太武謂古弼曰吾聞築社之役蹇魔而築之

端冕而事之神與之福

北史

北齊立太社帝社太禮三壇

於國右

隋禮儀志

飾壇四面及陞而黃土全覆上焉其後遂

改先農曰帝社又立帝稷

唐張齊賢傳

傳記起大事動大眾必先有事乎社而後出謂之宜

爾雅

社者土地之宜也稷者五穀之主也

孝經援神契

南社惟梓

西社惟栗北社惟槐

尚書逸篇

社皆有垣無屋樹其中以木

有木者土主生萬物萬物莫善於木故樹木也

五經通義

天

子社廣五丈諸侯半之其色東方青南方赤西方白北方黑冒以黃土故將封東方諸侯取青土苴以白茅各取其面以為封社

白虎通

王者諸侯所以俱兩社何俱有

土之君也太社為天下報功王社為京師報功也王者所以有社稷者為天下求福報功也人非土不立非穀不食故封土立社示有主也

同上

社壇在東稷壇在西俱

北面

通典

集於惟大社官名后土是曰句龍功著上古德配帝皇

實為靈主克助播殖農正曰柱尊以作稷豐年是與

子曹

建頌社實陰低稷惟穀先率育萬類叶靈昊乾霸德方將

得號共工厥有才子寶曰句龍庶物平施百姓熙雍陶

惠救災決河流江棄亦播殖作乂萬邦克配二祀以報

勲庸

何承天頌

厚地間靈方壇崇祀建以風露植之松梓勾

萌既申芟作伊始恭祈榮盛克膺休祉

牛弘唐社歌詩

粒食興

教播厥有先尊神致潔報本惟虔

稷歌詞

社祭土稷祭穀

勾龍與棄乃其佐享

韓文

祭山川

經望於山川

書舜典

望秩於山川

同上

奠高山大川

禹貢

刊旅

同懷柔百神及河喬嶽

詩時邁

教兵舞帥而舞山川

之祭祀

周禮舞師

以血祭祭五岳以貍沈祭山林川澤

大宗伯

兆山川丘陵墳衍各因其方

小宗伯

璋邸射以祀山川

典瑞

祀山川則毳毼服乃奏蕤賓歌函鍾舞大夏以祀山川

大司樂

天子祭天下名山大川諸侯祭名山大川之在其地

者

記王制

五嶽視三公四瀆視諸侯

同上

季夏命四監養犧

牲以供名山大川四方之神

月令

晉人將有事於河必先

有事於惡汜齊人將有事於泰山必先有事於配林

禮記

器先王之祭川也皆先河而後海

學記

山林川谷丘陵能

出雲見怪物皆曰神有天下者祭百神

祭法

晉侯使屠蒯

如周請有事於雒與三塗

左傳

山川之神則水旱疫癘之

災於是乎祭之三代命祀祭不越望

並同上

三望者何望

祭也祭泰山川海山川有能潤於百里者天子秩而祭

之

公羊傳

天子有方望之事無所不通諸侯山川有不在

其封內者則不祭同季氏旅於泰山子曰曾謂泰山不

如林放乎

論語

史秦令祠官所常奉天地名山大川於是自穀以東名

山五大川二

史封禪書

名山大川禱祀用牛犢各一牢其圭

幣各契也

同上

漢文帝修名山大川常祀而絕者有司以

歲時致禮

前本紀

武帝建元詔曰河海潤千里其令祠官

修山川之同為歲事

本紀

元封詔曰朕用事華山至於中

岳獲駁鹿

同上

宣帝詔曰蓋聞天子修祀山川古今通禮

也夫江海百川之大者也今闕焉無祠其令祠官以禮

為歲事以四時祠江海雒水祈為天下豐年焉自是五

嶽四瀆皆有常禮

郊祀志

章帝詔曰今山川應典禮者尚

未咸秩其議增修羣祀以祈豐年

後本紀

魏文帝黃初二

年初禮五嶽四瀆咸秩羣祀瘞沈主璧

晉志

明帝太和四

年遣使者以特牛祠中嶽 宋咸熙元年使使以璧幣

禮祠華山

並禮樂志

集海於天地間為物最鉅自三代聖王莫不祀事考於

傳記而南海神次最貴在北東西三神河伯之上

韓文

雩祭

經若國大旱則率巫舞雩

周禮司巫

旱暵則舞雩

女巫

仲夏大

雩帝用盛樂乃命百縣雩祀百辟卿士有益於民者以

祈穀實

記月令

雩宗祭水旱也

祭法

龍見而雩

左傳

雩者何旱

祭也然則何以不言旱言雩則旱見言旱則雩不見何

以書記災也

公羊傳

史漢昭帝始元六年夏旱大雩不得舉火

前本紀

梁大雩

圜丘壇於南郊之左祈五天帝及五人帝於其上卜日
又徧祈社稷山林川澤就故地處大雩國南除地為壇
祈百辟卿士於雩壇之左舞童六十四人為八列各執
羽翳每列歌雲漢詩而畢

隋禮志

天監九年有事雩壇武

帝以為雨旣類而求之正陽其謬已甚東方既非盛陽
而為生養之始則雩壇應在東方遂移於東郊又以
雩祭燔柴之說乃停用柴從坎塋典北齊以孟夏龍
見而雩祭太微五精帝於夏郊之東焉壇於上祈穀藉

以藁秸若不雨則使三公祈於雩壇禮用玉幣有燎不

設金石之樂選伎歌雲漢之詩於壇南

並同

賀師仕齊

以龍見請雩時藁阿那肱為錄尚書事大驚喜問龍何

在作何顏色師曰此是龍星初見依禮當雩祭郊壇非

謂真龍阿那肱忿然曰漢兒多事強知星宿祭事遂不

行

北史

貞觀禮孟夏雩於南郊祀五天帝顯慶三年許敬

宗與禮官議黜鄭玄說而禮昊天上帝開元中王仲丘

議月令大雩盛祭也宜兼用之以合大雩之義

唐禮樂志

傳記雩祭舞者吁嗟而請雨

爾雅注

蜡祭

經國祭蜡則歛豳頌擊土鼓以息老物

周禮
齋章

昔者仲尼與

於蜡賓

記禮
運

天子大蜡八伊耆氏始為蜡蜡也者索也

歲十二月合聚萬物而索饗之也蜡之祭也主先嗇而

祭司嗇也祭百種以報嗇也饗農及郵表畷禽獸仁之

至義之盡也迎貓為其食田鼠也迎虎為其食田豕也

祭坊與水庸事也曰土反其宅水歸其壑昆蟲毋作草

木歸其宅

郊特牲

黃衣黃冠草服也

八蜡以記四方四

方年不順成八蜡不通以謹民財也順成之方其蜡乃

通以移民也既蜡而收民息已故既蜡君子不興功

並同

上秋省而遂大蜡

明堂位

子貢觀於蜡子曰賜也樂乎對

曰一國之人皆若狂賜未知其樂也子曰百日之蜡一

日之澤非爾所及也

雜記

史後周常以十月祭神農伊耆后稷田畯鱗羽羸毛介

水庸坊郵表畷獸猫之神明日乃蜡祭於南郊如東郊

儀

隋禮儀志

隋開皇四年詔後周夏后之時行姬氏之蜡考

諸先代於義有違其十月行蜡者停可以十二月為臘

同蜡祭奏誠夏四方有祀八蜡酬功三時告勞一日為

澤

晉樂志

唐蜡祭百神大明夜明在壇上神農伊耆各在

其壇上后稷在壇東五官田畯各在其方五星十二次

二十八宿五方之岳鎮海瀆山林川澤丘陵墳衍原隰

井泉各在其方之壇龍鱗朱鳥騶虞元武鱗羽羸毛介

水庸坊郵表畷於菟猫各在其方壇之後

唐禮樂志

元冕者

蜡祭百神之服也

車服志

傳記房玄齡等議曰按月令蜡法唯祭天宗迎代蜡五天帝五人帝皆非古典今並除之季冬寅日蜡祭百神於南郊大明用犢二邊豆各四神農及伊耆氏各用少牢一邊豆與大明同

通典

集日躔星紀大呂司辰歷象改次衆庶更新歲事告成八蜡報勤告成伊何年豐物阜報勤伊何農功是歸

晉裴

秀凝寒迫清祀有酒宴嘉平宿心何所道藉此慰中情

魏收
詩

本朝建隆四年和峴言蜡祭之禮始於伊耆氏王者因
行臘蜡上享宗廟旁及五祀展其孝心盡物而示恭也
至唐貞觀之際前寅蜡百神卯日祭社宮辰日臘享宗
廟開元定禮三祭皆以臘辰以應土德伏惟聖朝火德
合以戌日為臘而以前七日辛卯便行蜡恐未為宜若
以祀事稍併即以申日蜡百神酉日祭太社太稷戌日
臘享太廟太常禮院請同用戌臘一日從之

會要

釋奠

經過大山川反行舍奠

周禮太祝

及郊饁獸舍奠於祖禰

句祝

天子將出征受成於學出征執有罪反釋奠於學以訊

馘告

王制

凡學春官釋奠於先師秋冬亦如之

文王世子

凡始

立學者必釋奠於先聖先師及行事必以幣

同上

史魏齊王正始二年使太常釋奠以太牢祠孔子於辟

雍以顏回配

晉禮志

後齊皇帝至學講畢以一太牢釋奠

孔父配以顏回列軒垂樂八佾舞行三獻皇太子每通

一經亦釋奠乘石山安車三師乘車在前三少從後而

至學焉

隋禮儀志

隋國子寺每歲以四仲月上下釋奠於先

聖先師州郡學則以春秋仲月釋奠

同

唐仲春仲秋釋

奠於文宣武成王皆以上丁上戊

唐禮樂志

許敬宗等奏禮

學官釋奠於先師鄭玄謂詩書禮樂之官也四時之學

將習其道故釋奠各以其師而不及先聖惟春秋合樂

則有司總祭先聖先師秦漢釋奠無文魏則以太常行

事昔宋以學官主祭

禮志

傳記齊武帝朝有司奏釋奠先聖先師未嘗令當行何
禮用何樂時從喻希議用元嘉故事設軒垂之樂六佾
之舞牲牢器用悉依上公

通典

開元十一年詔春秋釋奠

用牲牢

同上

集乃修嘉薦於國之雍敬享先師以疇聖功

傳咸

講業

既終禮師釋奠升觴析俎上下惟燕

摯虞頌

尊師重道釋

奠崇祀

潘尼頌

敬恭祀典告奠聖靈禮屬觀盥樂薦歌笙

顏延之詩

告奠明祀觀道聖門

任昉詩

郡邑禮社稷孔子獨孔

子用王者事以門人為配天子以下北面拜跪薦祭禮

如親弟子者句龍弃以功孔子以德固自有次第哉

韓文

本朝元豐七年詔自今春秋釋奠以鄒國公孟子配食

文宣王位於兗國公之次荀況楊雄韓愈以世次先後

從祀於左丘明等二十一賢之間並封伯爵

會要

釋菜

經春入學舍采合舞

周禮大胥

仲春上丁命樂正習舞釋菜

天子乃帥三公九卿諸侯大夫親往視之

記月令

始立學

者既興器用幣然後釋菜不舞不授器

夫子

皮弁祭菜

示敬道也

學記

史魏道武天興四年命樂師入學習舞釋菜於先師

北儒

林傳

貞觀六年詔罷周公祠更以孔子為先聖顏氏為

先師數臨幸國子學觀釋菜

唐儒學傳

傳記孔穎達講經獻上釋菜頌

通典

明堂

經我將祀文王於明堂也

周頌詩序

夏后氏世室殷人重屋

周人明堂

周禮匠人

周公朝諸侯於明堂之位

記明堂位

明堂也

者明諸侯之尊卑也

太廟天子明堂

並同上

祀乎明堂

所以教諸侯之孝也

樂記

子周公宗祀文王於明堂

孝經

夫明堂者王者之堂也

孟子

神農以時嘗穀祀於明堂

淮南子

史漢武帝欲治明堂未曉其制度濟南人公玉帶上黃

帝時明堂圖天子從之是歲祀太一五帝於明堂修明

堂如郊禮

前志

以十月甲子朔旦冬至日祀上帝於明

堂同元封二年作明堂於泰山下本備法物之駕盛清

道之儀坐明堂而朝羣后後儒林傳章帝元和二年宗祀五

帝於汶上明堂本宋武帝起明堂於國學之南丙巳之

地本魏修明堂封軌議曰三代明堂其制一也五室之

議得天數矣鄭玄曰五室者象五行也九階者法九土

四戶者達四時八牕者通八風誠不易之大範有國之

常式若其上園下方以則天地通水環宮以節觀覩茅

盖白盛為之質赤綴白綴為之戶牖皆典籍所載制度

之明義也秦焚五典更變先聖故呂氏月令見九室之
義大戴之禮著十二堂之文漢承秦法亦未能改東西
二京俱為九室夫室以祭天堂以布政依行而祭故室
不過五依時布政故堂不踰四月之與辰非所可法九
與十二厥用安在宜則五室以為永制北封軌傳明堂者所
以通神靈感天地出教化崇有德黃帝曰合宮堯曰五
府舜曰總章布政興治其來尚矣隋牛弘傳則天毀乾元殿
以其地立明堂其制淫侈無復可觀火焚之迄唐之世

季秋大享皆寓園丘

唐祭祀志

陳子昂說武后興明堂可謂

薦圭璧於房闈以脂澤汙漫之也子昂其聲瞽歟

本傳贊

黃帝曰合宮有虞曰總章殷曰陽館周曰明堂斯皆路

寢之驗知非別處

舊唐禮樂志

傳記孔子觀乎明堂有善惡之狀興廢之誠又有周公

相成王抱之負斧戾南面以朝諸侯之圖焉子曰此周

之所以盛也

家語

明堂之制下之溫濕不能及也上之寒

暑不能入也木工不鏤示明之節也

晏子春秋

周明堂茅茨

蒿柱土階三等以見節儉也

呂氏春秋

或以為明堂者文王

廟周德洽和結蒿茂大以為宮柱名曰蒿宮

同上

明堂九

室一室有四戶八牖凡三十六戶七十二牖以茅屋上

圜下方九室者取象陽數也八牖者陰數也取象八風

三十六戶取六甲之爻六六三十六也上圜象天下方

法地四闔者象四時也五室者象五行也

三輔黃圖

集靈臺明堂統和天人

班東都賦

於昭明堂明堂孔陽聖皇

宗祀穆穆皇皇上帝宴饗五位時序誰其配之世祖光

武

詩

明堂者天子太廟所以崇禮其祖以配上帝者也

東曰青陽南曰明堂西曰總章北曰玄堂中曰太室故雖有五名而主以明堂也其正中焉皆曰太廟謹承天隨時之令昭令德宗祀之禮明前功百辟之勞起尊老敬長之義顯教幼誨穉之學朝諸侯選造士於其中故為大教之宮而四學具焉官司備焉譬如北辰居其所而衆星拱之萬象翼之教之所由生故言明堂事大義之深也取其宗祀之清也則曰清廟取其正室之貌則

曰太廟取其尊崇則曰太室取其堂則曰明堂取其四
門之學則曰太學取其四面周水圓如璧則曰辟雍其
實一也

蔡邕論

肅肅明堂惟德之光儀天矩地崇姬潤黃

虞通之頌明堂者明乎天道者也所以明有功褒有德崇大

教明大政登假嚴禋欽宗修祀考經緯之長策應黃鍾
之旋宮穆穆四門協納四氣明明八牕均調八風思承

天以接神故峻極乎皇穹

劉名濟賦

四圭邸蒼玉六變舞雲

門香浮鬱金酒煙繞鳳凰樽

梁元帝詩

大開明堂受朝賀諸

侯劔佩鳴相磨

輯石
鼓歌

遂開明堂坐以治之

本朝皇祐二年帝曰明堂制度前代諸儒議論皆異將
安適從文彥博等對曰於孝經則云宗祀文王於明堂
於禮記則有明堂位在周官考工則有世室重屋之制
然文畧不備餘皆漢後諸儒雜引緯書各為議論故駁而
不同帝曰明堂者布政之宮朝諸侯之位然則天子之
路寢乎乃今之大慶殿是矣况明堂初祀天帝於此今
之親祀不當因循尚於郊壇寓祭其以大慶殿為明堂

分伍室於內朕於禮事務罄嚴恭餘以中禮為貴

會論要

明堂之制者非一某竊意當有九室如井田之制東之

中為青陽太廟東之南為青陽右个東之北為青陽左

个

總章明堂
玄堂皆然

中為太廟太室凡四方之太廟異方所其

左个右个則青陽之右个乃明堂之左个明堂之右个

乃總章之左个也但隨其時之方位開門耳太廟太室

則每季十八日天子居焉古人制事多用井田遺意此

恐是也

朱文公集

太室精裡方集神明之貺簞門增耀亦沾

慶賜之優

太一謝表

周同廟制蓋嚴配之所先漢比郊儀故

精禋而為重

成表類

率循三歲之舊章時舉季秋之大享

歷祿清廟升煙紫炁

涓吉抄秋乘上辛之正氣肇

煙重屋修邃古之濶儀

並同上

祖宗配侑

經生民尊祖也后稷生於姜嫄文武之功起於后稷故

推配天焉

生民詩序

思文后稷克配彼天

周頌

子莫大於嚴父嚴父莫大於配天則周公其人也昔者

周公郊祀后稷以配天宗祀文王於明堂以配上帝孝經

史漢元封五年祠高祖於明堂以配上帝因朝諸侯前武

帝紀明帝永平二年宗祀光武於明堂以配五帝後本紀明

堂所以尊其祖配上帝敬恭明祀永光孝道者也晉紀

唐永徽二年有司請以高祖配五天帝太宗配五人帝

長孫無忌等議自三代以來無父子同配於明堂者於

是高祖配於園丘太宗配於明堂唐祭志

本朝治平元年王珪等議本朝祀儀季秋大饗明堂祀

昊天上帝以真宗配今請以仁祖配循用周公嚴父之道錢公輔議謹按三代之祭郊以祭天明堂以祭五帝郊之祭以始封之祖有聖人之德者配焉明堂之祭以創業繼體之君有聖人之德者配焉聖宋崛起非有始封之祖也則創業之君遂為太祖矣太祖則周之后稷配祭於郊者也太宗則周之文王配祭於明堂者也真宗則周之武王宗乎廟而不祧者也雖有配天之功而無配天之祭未聞成王以嚴父之故廢文王配天之祭

而移於武王也仁宗則周之成王也雖有配天之業而亦無配天之祭未聞康王以嚴父之故廢文王配天之祭而移於成王也孫忭等議按易豫之說曰先王以作樂崇德薦之上帝以配祖考蓋若祖考可並配天者也仁宗置天下於大安者四十二年今不得配上帝之享甚非陛下所以嚴父之孝司馬光呂誨議前漢以高祖配天後漢以光武配明堂古之帝王自非建邦啟土及造有區夏者皆無配天之禮宜遵舊典以真宗配五帝

於明堂李受等議以仁宗與真宗並配明堂詔從珪等
議會要

宗廟

經不喪七鬯出可以守宗廟社稷以為祭主也易震卦王

假有廟王乃在中也渙卦先王以享於帝立廟同上作廟翼

翼詩於穆清廟肅雝顯相周頌新廟奕奕魯頌掌建國之神

位左宗廟周禮小宗伯宗廟之中未施敬於民而民敬之記檀

天子七廟三昭三穆與太祖之廟而七王制王立七廟

曰考廟曰皇考廟曰顯考廟曰祖考廟遠廟為祧有三

祧享嘗乃止

祭法

禮行於祖廟而孝慈服焉

禮運

宗祝辨乎

宗廟之禮故後尸

樂記

宗廟之禮所以序昭穆也

中庸

凡祭

宗廟之禮牛曰一元大武豕曰剛鬣豚曰腍肥羊曰柔

毛雞曰翰音水曰清滌酒曰清酌粢曰明粢稻曰嘉蔬

玉曰嘉玉幣曰量幣

曲禮

太廟之內敬矣君親牽牲大夫

贊幣而從君親制祭夫人薦盥君親割牲夫人薦酒

祭義

修宗廟敬祀事教民追孝也

坊記

丹桓宮之楹刻桓宮桷

傳曰皆非禮也

春秋

大事於太廟躋僖公逆祀也

左傳

子宗廟致敬不忘親也

孝經

為之宗廟以鬼享之

同宗廟

尚親

莊子

宗廟用享懷精氣也

文中子

史叔孫通為奉常定宗廟儀法

前本傳

給宗廟粢盛

本紀

十

四年詔曰朕獲執犧牲珪幣以事宗廟

同上

景帝元年禮

官奉議高帝廟宜為帝者太祖之廟孝文廟宜為帝者

太宗之廟天子宜世世享祖宗之廟

本紀

元帝詔曰蓋聞

明王制禮立親廟四親廟之奉萬世不毀所以明尊祖

敬宗著親親也

韋元成傳

清廟祭祀追往孝敬帝者之大事

祖宗之所祇奉

後蔡邕傳

晉江左以後乃至宋齊皆立六廟

隋禮儀志

陛下踐祚宗廟之享未嘗親事竊惟聖情以乘輿

一出所費無藝故忍孝思以便百姓而一代史官不書

皇帝入廟將何以貽孫謀示來葉耶

唐馬周傳

傳記宗廟之木主曰祔

說文

王者事宗廟至敬則福草生

於宗廟之中

孫氏瑞應圖

君乘木而王其政昇平則福草生

廟中

同上

遷廟之主古禮藏之而已廟即迭毀主則長存

自古無瘞主之義梅福云姬姓半天下桃主流出於戶

明周之主四十二世並不毀也

柳氏家學錄

集束帛從王事結纓奉清祀肅肅禁園內翳然絕塵軌

孔欣詩

敬恭明祀孝道感通合樂維和展禮有容

顏峻樂辭

潔

齊謝紛黷寂寥清廟靜肅敬示牲盛端服待嚴省

張率詩

本朝太祖見太廟所陳籩豆簋蓋曰我之祖寧曾識此

命撤去令進常膳享畢顧近臣曰却令設向來禮器俾

儒士輩行事至今太廟先進牙盤後行禮

言行錄康節云

姑以

權宜而論之則莫若以僖祖擬周之后稷而祭於太廟
之初室順祖為昭翼祖為穆宜祖為昭而藏其祧主於
西夾室太祖為穆擬周之文王為祖而祭於太廟之第
二室太宗為昭擬周之武王而祭於太廟之第三室其
太祖太宗又皆百世不遷而謂之世室真宗為穆其祧
主亦且權藏於西夾室仁宗為昭為宗而祭於第四室
亦為世室如太宗之制英宗為穆藏主如真宗之制神
宗為昭祭第五室哲宗為穆祭第六室徽宗為昭祭第

七室欽宗為穆祭第八室高宗為昭祭第九室孝宗為穆祭第十室異時高宗亦當為宗為世室如太宗仁宗之制三歲合享則僖祖東向如故而自順祖以下至於孝宗皆合食焉則心為安而於禮為順矣

朱文公奏議

原廟

史漢惠帝作復道叔孫通曰高帝寢衣冠月出游高廟奈何乘宗廟道上行哉惠帝曰急壞之通曰人主無過舉願陛下為原廟渭北衣冠月出游之益廣宗廟大孝

之本乃詔有司立原廟

漢叔孫通傳
解云原再也

惠帝思高祖之悲

樂沛以沛宮為高祖原廟

漢志

漢祖宗嘗行幸處皆令郡

國立廟

元帝罷郡國廟後帝寢疾夢神靈來譴罷諸

廟祠土遂復焉

並同

議者以為清廟之詩言交神之禮

無不清靜今衣冠出遊有車騎之衆風雨之氣非所謂

清靜也

韋玄
成傳

本朝南京鴻慶宮奉太祖太宗真宗神御

會要

天聖八年

置西京會景宮

同上

大中祥符五年十月聖祖降十二月

作景靈宮奉聖祖

備要

元豐五年初詔景靈宮作十一殿

至是殿成告遷神御

同上

禘祫

經禮不王不禘王者禘其祖之所自出以其祖配之

記喪

服小記

夫大嘗禘升歌清廟下而管象朱干玉戚以舞大

武八佾以舞大夏此天子之樂也

祭統

祫祭於祖則祝迎

四廟之主

曾子問

祫猶合也禘猶諦也審諦無所遺矣

公羊

傳大祫者何合祭也其合祭謂何毀廟之主陳於大祖

未毀廟之主皆升合食於太祖五年而再盛祭

同禘自

既灌而往者吾不欲觀之矣

論語

或問禘之說子曰不知

也知其說者之於天下也其如示諸斯乎指其掌

同上

史光武朝張純奏曰三年一祫五年一禘禘之為言諦

也諦定昭穆尊卑之義也祫者五穀成熟物備禮成故

合聚飲食也帝從之

後張純傳

禘於首夏物皆未成故為小

祫於秋冬萬物皆成故為大

隋禮儀志

有司議以為一禘二

祫五年再盛宜通數而禘後置祫歲數遠近二說不同

鄭玄用高堂隆先三而後二徐邈先二後三而邈以謂

二禘相去為月六十中分三十置一禘焉由是一禘一

祫在五年之間合於再盛之義

唐禮儀志

傳記祭宗廟所以禘祫何尊人君貴功德廣孝道位尊

德盛所及彌遠

白虎通

三年一祫五年一禘以衣服想見

其顏色三日齋思親志意想見所好意喜然後入廟

禮稽

命驗

本朝宗廟之制今日雖未及議尚期興復之後還反舊

都則述神宗之制而一新之以正千載之謬成一王之
法使昭穆有序而禘享之禮行於室中則又善之大者

也

朱文公
奏議

四時祭

經禴祠烝嘗於公先王

詩天保

以祠春享先王以禴夏享

先王以嘗秋享先王以烝冬享先王

周禮大宗伯

春祀夏禴

裸用雞彝鳥彝其朝踐用兩獻尊其再獻用兩象尊秋
嘗冬烝裸用兩彝黃彝其朝獻用兩著尊其饋獻用兩

一尊

諸尊

天子諸侯宗廟之祭春曰禘夏曰禘秋曰嘗

冬曰烝

記王制

諸侯禘則不禘禘則不嘗嘗則不烝烝則

不禘

同

禘禘陽義也嘗烝陰義也禘者陽之盛也嘗者

陰之盛也

祭統

仲春獻羔開冰孟夏以彘嘗麥仲夏以雞

嘗黍孟秋天子嘗新仲秋以犬嘗麻皆先薦寢廟

月令

史廟以藏主以四時祭

後祭祀志

傳記年祭於寢月祭於廟時祭於便殿寢日四上食廟

歲二十五祠便殿歲四祠

通典

本朝元豐詔以四孟月朝獻景靈宮紹聖詔景靈宮朝

獻分兩日

會要

功臣配享

經茲大享於先王爾祖其從與享之

書盤庚

凡有功者銘

書於王之太常祭以大烝

周禮司勳

史魏青龍元年詔祀故大將軍夏侯惇大司馬曹仁車

騎將軍程昱於太祖廟庭注云書載詔曰昔先王之禮

於功臣存則顯其爵祿歿則祭於大烝故漢氏功臣祠

於廟庭大魏元功之臣功勲優著終始昭明者其皆依

禮祀之

魏志

傳記貞觀十二年有司言禘祫之日功臣並得配享

通典

本朝趙忠獻王

晉

曹武惠王

彬

配享太祖廟庭李文靖

公

沈王文正公

旦

曹武穆公

瑋

配享真宗廟庭呂文靖

公

夷簡

配享仁宗廟庭韓忠獻王

琦

曾宣靖公

公亮

配享英

宗廟庭富文忠公

弼

配享神宗廟庭司馬文正公光配

享哲宗廟庭陳文正公

康伯

配享高宗廟庭

錄

言行

記纂淵海卷七十六

欽定四庫全書

記纂淵海卷七十七

宋 潘自牧 撰

禮儀部

禮

經嘉會足以合禮

易乾卦
文言

謙以制禮

繫辭

修五禮

書舜典

有

能典朕三禮

同上謂
天地人

天秩有禮自我五禮有庸哉

皋陶謨

宗伯掌邦禮

周官

六典三曰禮典以和邦國以統百官以

諧萬民

周禮大宰

六職三曰禮職以和邦國以諧萬民以事

鬼神

宰小

以五禮防萬民之偽而教之中

大司徒

以吉禮事

邦國之鬼神以凶禮哀邦國之憂以賓禮親邦國以軍

禮同邦國以嘉禮親萬民

大司馬

夫禮者所以定親疏決

嫌疑別同異明是非也

記曲禮

人有禮則安無禮則危

同上

失之者死得之者生

禮運

夫禮必本於天殽於地列於鬼

神達於喪祭射御冠婚朝聘夫禮之初始諸飲食其燔

黍稷豚汙尊而抔飲蕡桴而土鼓猶若可以致其敬於

鬼神禮者君之大柄也夫禮必本於太一分而為天

地轉而為陰陽變而為四時列而為鬼神夫禮必本於
天動而之地列而之事變而從時協於分藝所以講信
修睦而固人肌膚之會筋骸之束也 故禮之於人

也猶酒之有蘖也

並同上

禮釋回增美質措則正施則行

其在人也如竹箭之有筠也如松柏之有心也故貫四

時而不改柯易葉

禮器

忠信禮之本也義理禮之文也無

本不立無文不行經禮三百曲禮三千其致一也 禮

也者合於天時設於地財順於鬼神合於人心理萬物

者也忠信之人可以學禮

並同上

司徒修六禮以節民性

六禮冠昏喪祭鄉飲士相見

王制

禮者天地之別也

樂記

大禮

與天地同節

三王異世不相襲禮

並同上

簠簋俎豆制

度文章禮之器也升降上下周旋裼襲禮之文也

哀公問

故以奉宗廟則敬以入朝廷則貴賤有位以處室家則

父子親兄弟和以處鄉里則長幼有序

經解

禮之正國也

猶衡之於輕重也繩墨之於曲直也規矩之於方圓也

夫禮禁亂之所由生猶坊止水之所自來也

並同上

言

游曰敢問禮也者領惡而全好者與子曰然

仲尼燕居

以之

居處有禮故長幼辨也以之閨門之內有禮故三族和

也以之朝廷有禮故官爵序也以之田獵有禮故戎事

閑也以之軍旅有禮故武功成也

同上

禮也者因人之情

而為之節文以為民坊者也

坊記

禮儀三百威儀三千待

其人而後行

中庸

禮國之幹也敬禮之興也

左傳

禮身之幹

也敬身之基也禮政之興也夫禮天之經也地之義

也民之行也禮上下之紀天地之經緯也民之所以

生也

並同上

殷因於夏禮所損益可知也夏禮吾能言之

杞不足徵也殷禮吾能言之宋不足徵也

論語

子禮門也

孟子

禮者因人之情緣義之理而為之節文

管子

夫禮者忠信之薄而亂之首

老子

以禮為翼所以行於世

也

莊子

國之命在禮

荀子

禮者治辨之極也強國之本也

禮者法之大分類之紀綱也禮者人道之極

財物為用以貴賤為文以多少為異以隆殺為要

並同上

實無華則野華無實則史華實副則禮

揚子

禮其皇極之

門乎聖人所以嚮明而節天下也其得中道乎故能辨

上下定民志

文中子

史五帝不相復禮

前武帝紀詔

王恢曰五帝不相襲禮非故

相反也各因時宜也

韓安國傳

五帝不同禮

匡衡傳疏

余至太行

禮官觀三代損益乃知緣人情而制禮依人性而作儀

其所由來尚矣

史禮書

三代不同禮而王

商君傳

漢高祖命

叔孫通制禮儀

本傳

孝文即位有司議欲定儀禮孝文好

道家之學以為繁禮飾貌無補於治故罷去之

禮書

武帝

元朔五年詔曰蓋聞導民以禮其令禮官勸學講議洽

聞舉遺興禮

本紀

建武初舊章多闕每有疑議輒以訪純

自郊廟昏冠喪紀禮儀多所制定

後張純傳

曹褒從巡狩岱

宗定封禪禮還受詔議立七郊三雍大射養老禮儀

本傳

中元元年初建三雍明帝即位親行其禮坐明堂而朝

羣后登靈臺以望雲物袒割辟雍之上尊養三老五更

饗射禮畢帝正坐自講

儒林傳

唐太宗宴羣臣積翠池酣

樂賦詩魏徵賦西漢其卒章曰終籍叔孫禮方知皇帝

尊帝曰微言未嘗不約我以禮

唐魏徵傳

天子乃覽雲臺之

議草泥金之禮

舊唐史謂玄宗

傳記朝覲之禮喪祭之禮鄉飲酒之禮婚姻之禮三皇

五帝之所化民者如此

家語

黃帝與蚩尤戰於涿鹿可為

軍禮九物倡教可為賓禮

通典

本朝咸平元年何亮上書乞定禮樂刑法之書文學兵

農之典衣冠器皿郊祀宿衛之制

言行錄

熙寧九年詔黃

履李清臣王存詳定郊廟奉祀禮文何詢直孫諤充檢

討官檢討歷代沿革以致得失

同上

禮書

經以禮俗之逆順為一書

周禮

韓宣子適魯見易象與魯

春秋曰周禮盡在魯矣吾乃今知周公之德與周之所

以王也杜氏曰韓子所見蓋周之舊典禮經也

左傳

子居家不暫捨周禮曰如有用我則執此以往

文中子

史曹褒受命次序禮事撰次天子至於庶人冠昏吉凶

終始制度以為百五十卷

後本傳

唐太宗時房玄齡等因

隋禮增為吉禮六十一篇賓禮四篇軍禮二十篇嘉禮
四十二篇凶禮十一篇是為貞觀禮高宗又詔長孫無
忌等增之為一百三十卷是為顯慶禮終高宗世貞觀
顯慶二禮兼行而有司臨事遠引古義與二禮參考增
損之無復定制唐禮樂志開元十四年王岳請刪去禮記舊
文而益以今事詔付集賢院議張說以為禮記不刊之
書去聖久遠不可改易而唐貞觀顯慶禮儀注前後不
同宜加折衷以為唐禮乃詔徐堅等撰定一百五十卷

是為大唐開元禮由是五禮之文始備 貞元中太常

禮院修撰王涇考次歷代郊廟沿革之制及其工歌祝

號而圖其壇屋陟降之序為郊祀十卷 元和十一

年韋公肅錄開元以後禮文損益為禮閣新儀三十卷

十三年王彥威為曲臺新禮三十卷又採元和以來

王公士民昏祭喪葬之禮為續曲臺禮三十卷

並同上

傳記后蒼東海人說禮萬言號曰后氏曲臺記

經典序錄注云

在曲臺校書著

記因以為名

集漢家禮儀叔孫通所草制皆隨律令在禮官藏於九

闕

樊長孫與
劉元琰書

本朝開寶四年命劉溫叟等以開元禮重加損益及書

成上之凡二百卷號曰開寶通禮

會要先是周世宗命聶

崇義詳定郊廟器玉崇義因取三禮舊圖攷正同異作

新圖二十卷太祖乃命竇儀裁處至當乃頒行

言行錄慶

歷四年吳育上新修太常禮四十卷及慶歷祀儀六十

三卷治平二年歐陽修奏已編纂禮書成百卷詔以

太常因革禮為名

並同上

大觀中詔禮當追述三代之意

開元禮不足法今親製冠禮沿革付議禮局餘五禮視

此編次至是書成

續會要

周官一書固為禮之綱領至其

儀法度數則儀禮乃其本經而禮記郊特牲冠義等篇

乃其義說耳故臣頃在山林嘗與一二學者考訂其說

欲以儀禮為經而取禮記及諸經史詩書所載有及於

禮者皆以附於本經之下

朱文公奏議

朝儀

經春見曰朝夏見曰宗秋見曰覲冬見曰遇時見曰會

殷見曰同時聘曰問殷頻曰視

周禮大
宗伯

正朝儀之位辨

其貴賤之等王南鄉三公北面東上孤東面北上卿大
夫西面北上王族故士虎士在路門之右南面東上太
僕太右太僕從者在路門之左南面西上司士擯孤卿
特揖大夫以其等旅揖士旁三揖王還揖門左揖門右
士左九棘孤卿大夫位焉羣士在其後右九棘公侯伯
子男位焉羣吏在其後面三槐三公位焉州長衆庶在其

後

朝士

詔王儀南鄉見諸侯天揖同姓時揖異姓土揖庶

姓

司儀

班朝治軍涖官行法非禮威儀不行

記曲禮

天子當

依而立諸侯北面而見曰覲天子當宁而立諸公東面

諸侯西面曰朝

同上

天子負斧戣南鄉而立三公中階之

前北面東上諸侯之位阼階之東西面北上諸伯之國

西階之西東面北上諸子之國門東北面東上諸男之

國門西北面西上九夷之國東門之外西面北上八蠻

之國南門之外北面東上六戎之國西門之外東面南

上五狄之國北門之外南面東上九采之國應門之外

北面東上

明堂位

朝廷之儀濟濟翔翔

少儀

子朝有定度衡儀以尊主位

管子

史高祖悉去秦儀為簡易羣臣飲爭功醉或妄呼拔劍

擊柱上患之叔孫通曰臣願召魯諸生與臣弟子共起

朝儀於是為綿蕞野外習之會長樂宮成竟朝置酒無

敢誼譁失禮者帝曰吾乃今日知為皇帝之貴也

前叔孫通

傳

申屠嘉為丞相時鄧通方愛幸居上旁有怠慢之禮

嘉曰陛下幸愛羣臣則富貴之至於朝廷之禮不可不

肅罷朝召通責曰通小臣戲殿上大不敬當斬

本史

江左

則有荀崧刁協損益朝儀

晉禮志

唐故事天子以竒日聽

政對羣臣李邕奏陛下求治而下有所陳當不時上豈

宜限以日

唐書

故事朔望日皇帝御宣政殿謂之大朝立

宗始以朔望陵寢薦食其後遂以為常

憲宗實錄

傳記中庭左右謂之位門屏之間謂之宁注云位者羣

臣之列位也宁者人君視朝所宁立處

爾雅

臨三軍者或

懼於朝廷之儀

王弼易
畧例

唐制兩省供奉東西對立者

謂之蛾眉班

筆談

唐末朝士中有人物者時號玉筍班

北夢

言瑣

集展名京之初儀即新館而蒞職

文選

內謁者承旨喚仗

入東西閣門峨冠曳組者皆趨而進

文粹

閭闔開黃道衣

冠拜紫宸

杜詩

頗怪朝參嬾

還家初散紫宸朝 晝

刻傳呼淺春旗簇仗齊

並同上

本朝皇帝每視長春殿受朝先宰臣列殿奏事次樞密

使次三司次開封府次審刑院次羣臣以次升殿既退
進食訖易服御崇政殿或承明殿軍頭引見司奏事於
殿皆下次三班院次審刑院次流內銓次刑部次諸司
既退後有內臣迎職諸路走馬承受奏事謂之後殿再
坐若假日則早御崇政殿閱前殿公事既畢移坐臨軒
閱後公事焉會要太平興國五年詔宜令有司每內殿起

居日即須蹶蹠入門雍容就列稍涉不謹便同失儀

大中祥符八年詔百官自拱辰門入詣崇政殿起居俱

不舞蹈其鳴鞭立殿文武班一如長春殿之儀

並同上

本

朝視朝之制文德殿曰外朝凡不釐務朝臣日赴是謂之常朝垂拱殿曰內殿宰臣以下并武班日赴是謂常起居每五日文武朝臣並赴內朝謂之百官大起居是為三等蓋天子坐朝莫先於正衙於禮羣臣無一日不

朝者故正衙雖不坐常叅官猶立班俟放朝乃退

退朝錄

胡翼之當召對例須就閣門習儀翼之曰吾平生所學

即事君之禮也何以習為及進對之日容止可觀

言行錄

入閣

史自唐末天子未嘗視朝而入閣之制亦廢唐明宗初即位乃詔羣臣五日一隨宰相入見內殿謂之起居御史中丞李琪以為非唐故事請罷五日起居而復朔望入閣明宗曰五日起居吾思所以數見羣臣也不可罷而朔望入閣可復然唐故事天子日御殿見羣臣曰常參朔望薦食諸陵寢有思慕之心不能臨前殿前御便殿見羣臣曰入閣宣政前殿也謂之衙衙有仗紫宸便

殿也謂之閣其不御前殿而御紫宸也乃自正衙喚仗
由閣門而入百官因隨以入見故謂之入閣自乾符以
後因亂禮闕故正衙常日廢仗而朔望入閣有仗其後
習見遂以入閣為重至出御前殿猶謂之入閣有司不
能講正其事凡羣臣五日一入見中興殿便殿也此入
閣之遺制而謂之起居朔望一出御文明殿前殿也反
謂之入閣琪皆不能正也

五代史

傳記唐制自前殿喚仗入便殿為入閣唐末五代出御

前殿為入閣

雜志

唐室常參官每日朝退賜食謂之廊餐

自乾符亂離惟月旦入閣賜食

退朝錄

本朝沿唐制以月朔御紫宸殿行入閣之儀

會建隆中要

張洎奏曰按今之乾元殿即唐含元殿也在周為外朝

在唐為大朝冬至設仗衛朝萬國在此殿也今之文德

殿即唐宣政也在周為中朝在漢為前殿在唐為正衙

凡朔望起居冊拜后妃太子諸王三公對四夷君長試

制舉人在此殿也今之崇德殿即唐紫宸殿也在周為

內朝在漢為宣室在唐為上閣即隻日常朝之殿也東
晉太極殿有東西閣唐制紫宸上閣法即此例也所謂
入閣者蓋隻日御紫宸上閣之時先於宣政前殿立黃
麾金吾仗俟契勘畢喚仗自東西閣門而入故謂之入
閣 康定二年宋庠奏近奉德音詢及入閣故事謹按
唐有大明宮宮之正南門曰丹鳳內第一殿曰含元第
二殿曰宣政第三殿曰紫宸謂之上閣亦曰內衙按唐
制凡天子坐朝必須立仗於正衙或乘輿止御紫宸即

喚正衙仗自宣政兩門入是謂東西上閣門也今之宣德門唐丹鳳門大慶殿唐含元殿也文德殿唐宣政殿也崇德殿唐紫宸殿也今或欲求本意即須先立仗於文德之庭如天子止御紫宸即喚仗自東西閣門入如此則差與舊儀相合

並同上

元會

史漢制正月旦天子幸德陽殿臨軒公卿郎將大夫百官各陪朝賀

後禮儀志

漢儀有正會禮正旦夜漏未盡七刻

鍾鳴受賀公侯以下執贄來庭

晉禮志

漢以高祖十月定

秦為歲首至武帝改周夏正於十月朔猶常饗會

同高上

祖七年長樂宮成諸侯王以下以次奉賀禮畢置法酒

以尊卑次起上壽觴九行謁者言罷酒御史執法舉不

如儀者

前本紀

魏武帝正會文昌殿用漢儀又設百華燈

晉禮志

先正月一日有司各宿設夜漏未盡十刻羣臣集

到庭燎起火上賀

同上

正旦設白獸樽有獻直言者則發

此樽飲酒

詩見正旦類

唐正旦冬至受羣臣朝賀而會前一

日尚舍設御幄於太極殿

唐禮樂志

集春王三朝會同漢京是日也天子受四海之圖籍膺

萬國之貢珍內撫諸夏外接百蠻

東都賦

龍輅充庭雲旗

拂霓夏正三朝廷燎哲撞洪鍾伐靈鼓

西京賦

當三朝

獻壽之辰應五紀啟元之始

韓文順宗實錄

本朝天子之服有通天冠絳紗袍正冬大會正月朔受

朝則服之

言行錄

頒歷靈臺示四方之更始稱觴紫殿祝

萬壽以無疆

歲表類

漢儀高會方登四海之圖周歷俯頌

乃憲百官之象

同上

宴饗

經湛露天子燕諸侯也

詩小序

以享燕之禮親四方之賓

客

周禮大宗伯

大饗尚服脩而已矣

記郊特牲

食饗之禮所以仁

賓客也

仲尼燕居

燕毛所以序齒也

中庸

燕禮者所以明君臣

之義也

射義

諸侯燕禮之義君席阼階之上居主位也君

獨升立席上西面特立莫敢適

音敵

之義也

燕義

俎豆牲醴

薦羞皆有等差所以明貴賤也

同上

世之治也諸侯間於

天子之事則相朝也於是乎有享宴之禮享以訓恭儉

宴以示慈惠共儉以行禮而慈惠以布政

左傳

號公晉侯

朝王王享醴命之宥王以上卿之禮享管仲管仲辭

楚子入享於鄭九獻庭實旅百加邊豆六品王使周

公閱來聘享有昌歠白黑彤鹽辭曰國君文足昭也武

可畏也則有備物之享以象其德薦五味羞嘉穀鹽虎

形以獻其功王享有體薦宴有折俎公當享卿當宴

王室之禮也宋人享趙文子司馬置俎禮也定公

會齊侯於夾谷齊侯將享公孔丘曰犧象不出門嘉樂

不野合乃不果享 三夏天子所以享元侯也

並同上

史漢高祖過沛置酒沛宮

前本紀

蔡謨曰燕享有樂所以

敬賓也

晉禮志

齊高帝幸華林宴集使各效伎藝褚彥回

彈琵琶王僧虔柳世隆彈琴沈文季歌子夜來張敬兒

舞王儉曰臣無所解惟知誦書因誦相如封禪書上笑

曰此盛德之事朕何以堪之

南史

高允曰大享者所以定

禮儀訓萬國故聖王重之

北史

開元二十年燕百寮於上

陽東州醉者賜以牀褥肩輿而歸相屬於路

唐書

宣宗宴

罷見百官與衛士拜舞遺下果實食物上怪之咸曰歸

獻父母及遺小兒自後遇宴敕太官給食兩分

同上

八珍

百品以宴賓客示慈惠也

韋彤傳

傳記酒旗星酒官之旗也主饗燕飲食

雜記

梁王魏嬰

觴諸侯於范臺酒酣請魯君舉觴魯君曰昔者儀狄作

酒禹飲而甘之遂疏儀狄曰後世必有以酒亡其國者

齊桓公夜半不寐易牙煎熬燔炙而進之桓公食之而

飽至旦不覺曰後世必有以味亡其國者晉文公得南
之威三月不聽朝遂推而遠之曰後世必有以色亡其
國者楚王登強臺其樂忘死曰後世必有以高臺陂池
亡其國者今主君之尊儀狄之酒也主君之味易牙之
調也左白台而右閭須南威之美也前夾林而後蘭臺
強臺之樂也今主君兼此四者可不戒與梁王稱善

策

集中坐溢朱組步欄遙瓊升

江淹

萬方朝玉帛千品會裾

簪

張說

饌玉頌王篚撝金下帝鈞

堯樽承帝澤禹膳自

天來膳降堯厨畢榴開舜酒紅

聚觴祝堯壽合鼎獻

湯厨

並同上

本朝凡大宴有司預於殿庭設山樓排場為羣仙隊仗
六蕃進貢九龍五鳳之狀司天雞唱樓於其側殿上陳
舒繡帷帟垂香毬設銀香獸於楹內藉以文茵宰臣使
相叅政樞密至給諫舍人待制中室遥郡團練使以上
坐於殿下卿監至郎中以上坐於朶殿京官任館閣職

事諸蕃進奉使坐於兩廊使相以上坐繡墩參政以上
用二蒲墩加蜀毯自朵殿以下皆排緣氈條席會建隆
要

四年宴宰臣王祐等於紫雲樓下

同上

封禪

經歲二月東巡狩至於岱宗柴望秩於山川

書舜
典

時邁

巡狩告祭柴望也

詩小
序

懷柔百神及河喬嶽

詩周
頌

巡狩

而祀四岳河海也

詩
序

於皇時周陟其高山墮山喬嶽允

猶翕河

周
頌

因名山升中於天

記禮
器

升中於天而鳳凰降

龜龍假

同上

子古者封泰山禪梁父者七十二家而夷吾所記者十有二焉昔無懷氏虞義神農炎帝並封泰山禪云云黃帝封泰山禪亭亭顓帝帝嚳堯舜並封泰山禪云云禹封泰山禪會稽湯封泰山禪云云周成王封泰山禪社首皆受命然後得封禪管子齊桓公欲禪封管仲曰古之禪封鄆上之泰北里之禾所以為盛江淮之間一茅三脊所以為藉也東海致比目之魚西海致比翼之鳥然

後物不召而自至者十有五焉桓公乃止同封禪之費

非古也徒以夸天下其秦漢之侈心乎文中子

史古者封禪為蒲車惡傷山之草木史記封禪七十二君

惟黃帝得上泰山封前郊祀志秦始皇上泰山立石封祠祀

禪梁父刻所立石史本紀司馬相如家居茂陵天子曰相

如病甚可悉往取其書使所忠往而相如已死問其妻

對曰未死時為一卷書曰有使來求書奏之其遺禮書

言封禪事所忠奏焉天子異之前本傳自得汾陰寶鼎上

與公卿諸生議封禪尚書周官王制之望祀射牛事注

云射牛示親殺也

史武
帝紀

齊人丁公年九十餘曰封者合

不死之名也秦皇帝不得上封陛下必欲上稍上即無

風雨遂上封矣

元封元年上還登封泰山注云王者

功成治定告成功於天刻石紀號有金策石函金泥玉

檢之封焉

並同
上

天子既聞公孫卿及方士之言黃帝以

上封禪皆致怪物與神通遂東幸緱氏祠登中岳太室

聞若有言萬歲云

史封
禪書

天子至梁父封泰山下東方如

郊祀太一之禮封廣丈二高尺其下則有玉牒書書秘
禮畢天子獨與侍中上泰山亦有封其事皆禁禪泰山
下址東北肅然山其夜若晝有白雲起封中 後有星

孛於三能

音台

有司言陛下建漢家封禪天其報德星云

夏旱公孫卿曰黃帝時封則天旱乾封三年上乃下

詔曰天旱意乾封乎

並同上

建武三十年羣臣上言宜封

禪詔曰即位三十年百姓怨氣滿腹吾誰欺欺天乎曾

謂泰山不如林放何事汙七十二代之編錄

後光武紀

三十

二年正月上齋夜讀河圖會昌符曰赤龍之九會命岱

宗乃詔松等復案索河雒識文言九世封禪事者松等

列奏乃許焉是月辛卯柴登封泰山甲午禪於梁陰以

承靈瑞以為兆民郊祀志項威曰封泰山告太平升中和之

氣於天祭祀志勒功岱岳登封告成晉禮志闕皇代之上儀

塞靈祇之歎望同檢玉岱宗今其時也宋書梁天監八年

時有請封會嵇禪國山者許懋建議議以為舜柴岱宗是

為巡狩而鄭引孝經鉤命決云封於泰山考績柴燎禪

於梁甫刻石紀號此緯書之曲說非正經之通義也若
聖主不須封禪若凡主不應封禪封禪之禮由主好名
於上而臣阿旨於下也

南史

隋文帝時朝野皆請封禪詔

曰以薄德而封名山用虛言而干上帝非朕攸聞

通鑑封

禪者高厚之謂也天以高為尊地以厚為德增泰山之

高以報天也厚梁父之基以報地也

隋禮儀志

唐高宗乾封

元年詔曰古今之制文質不同今封禪以玉牒金繩而
瓦樽匏爵秸席宜改從文於是昊天上帝禘以蒼地祇

褥以黃配褥皆以紫而尊爵亦更焉天子祀昊天上帝於山下之封祀壇以高祖太宗配如圓丘之禮親封書冊置石礧聚五色土封之明日封書冊於登封壇又明日祀皇地祇於社首山之降禪壇如方丘之禮以太穆皇后文德皇后配乃詔立登封降禪朝覲之碑名封祀壇曰舞鶴臺登封壇曰萬歲臺降禪壇曰景雲臺以紀瑞焉

禮樂志

天子乃覽靈臺之義草脩泥金之禮封日觀

禪雲亭

舊史立宗紀贊

玄宗封禪畢張說詭言聖心誠懇宿齋

山下昨夜則祥風助樂今朝則卿雲引燎

舊史

謝偃撰玉

牒貞紀以勸封禪

本傳

傳記黃帝五十三載有草生於庭佞人入則指之名曰

屈軼鳳凰巢於阿閣麒麟遊於苑囿始興封禪之禮

通歷

王者易姓而起必并封泰山何報告之義也始受命之

時改制應天天下太平功成封禪告太平也

白虎通

封泰

山者說山上有金匱玉策能知人壽長短

風俗通

集爰登方岳封禪勒成

文選

方將增泰山之封加梁父之

事鳴和鑾揚雅頌

司馬相如通
西南夷書

脩禮地祇謁款天神勒

功中岳以彰至尊

相如封
禪書

封神丘兮建隆碣

班固
銘

設壇

場於山下受羣方之助祭射封燎於山上冀一獻之通

神

玄宗太
山銘

禮官不戒而備軍政不整而輯天姥練日雨

師洒道六甲案隊八陣警蹕千旗雲引萬戟林行原野

為之震動草木為之風生歷郡縣垂徭俗問百年舉百

祀興墜典葺闕政攸徂之人室家相慶

張說封
禪頌

登岱勒

封禪云記崇

燕公
集

紀泰山之封鏤白玉之牒鋪張對天

之宏休揚厲無前之偉績編之乎詩書之冊而無愧措

之乎天地之間而無虧

韓文

宜定樂章以告神明東巡泰

山奏功皇天具著顯庸明示得意

同上

佳氣浮丹谷榮光

泛綠坻

李義府詩

本朝祥符中先是王欽若以封禪當得天瑞之說說上
請以人力為天瑞且曰河圖洛書果有此乎聖人以神
道設教耳上意未決一日問杜鎬鎬老儒不測上旨漫
應曰此聖人以神道設教耳自是屢稱天書降而封禪

矣

言行錄

耕籍

經春籍田而祈社稷也

詩小序

甸師掌率其屬而耕耨王

籍

周禮

擇元辰天子親載耒耜帥三公九卿諸侯大夫躬

耕帝籍天子三推三公五推卿諸侯九推

記月令

耕籍然後諸

侯知所以敬

樂記

昔者天子為籍千畝冕而朱紘躬秉耒

諸侯為籍百畝冕而青紘躬秉耒以事天地山川社稷

先古以為醴酪齊盛

祭義

天子親耕於南郊諸侯耕於東

郊以共粢盛

並同上

天子親耕粢盛秬鬯以事上帝

表記

史漢文帝詔夫農天下之本也其開籍田朕親率耕以

給宗廟粢盛

前本紀

景帝詔朕親耕以為天下先

本紀

明帝

詔朕親耕籍田以祈農事

後本紀

章帝籍田儀正月始耕

常以乙日祀先農及耕於乙地

本紀

耕車有三一曰芝車

乘耒耜之服上親耕所乘

輿服志

晉武帝耕於籍田詔曰

方今陽春養物東作始興朕親率王公卿士耕籍千畝

本紀

又詔近臣耕籍有慕古之名無供祀訓農之實今脩

千畝之制當與羣公卿士躬稼穡之艱難帥先天下

同上

金根車天子親耕所乘

與服志

貞觀三年太宗將親耕曰

書稱平秩東作而青輅黛耜順春氣也五方位少陽田

宜於東郊乃耕於東郊

唐禮樂志

乾元二年上耕籍田有司

進耒耜加以雕飾上曰耒耜農夫所執豈宜如此之麗

命去之既而耕之九推乃止

通鑑

明皇欲重勸耕籍遂推

耕五十餘步盡數乃止

籍田之穀納之神倉以擬耕

耨

禮樂志

傳記宣王即位不脩籍於千畝號文公諫不聽戰於千

畝王師敗績於姜氏之戎

國語

集農祥晨正土膏脈起乘鸞輅而駕蒼龍介馭間以剡

耒耜躬三推於天田脩帝籍於千畝供禘郊之粢盛必致思

乎勤已兆人動於疆場咸懋力以耘耔

張平子東京賦

躬稼以

共粢盛所以致孝也勸耕以足百姓所以固本也

潘岳賦

紺轅綴於黛耜

親率羣后耕於千畝之籍司農撰播

植之器挈壺掌升降之節宮正設門閭之蹕青壇蔚

其岳立翠幕默以雲布

降靈壇撫御耦

並同上

祥正而

青旗肅事土膏而朱紘戒興將使杏花芑葉耕穫不愆清

畎泠風述遵無廢

文選記勝之書望杏花落復耕之呂氏春秋芑者草之先者也於是始耕

呂

本朝景德四年孫奭上言按月令云天子以元日祈穀

於上帝乃擇元辰躬耕帝籍先儒皆云元日上辛郊天

也元辰謂然後擇吉亥享先農而耕籍也伏望改用來

年正月上辛後亥日享先農從之

會要

明道二年帝乘玉

輅適耕所張士遜奏禮畢帝曰朕志千畝卿等固請遂

耕十二有跬詔宰臣呂夷簡叅政宴殊編輯田記

並同上

田獵

經王用三驅失前禽

易比卦

田獲三狐得黃矢

解卦

田獲三

品有功也

巽卦

文王不敢盤於遊田

書無逸

蒐田以時

詩小序

因田獵而選車徒焉

詩注

徒御不驚大庖不盈

詩

發彼小

紕殪此大兕

詩

大田役以旗致萬民而治其徒庶之政

令

周禮大司徒

凡四時之田前期出田法於州里

鄉師

若大田

獵則萊山田之野及弊田植虞旗於中致禽而珥焉

山虞

若大田獵則萊澤野及弊田植虞旌以屬禽

澤虞

大田之

禮簡衆也

大宗伯

凡四時之大甸獵祭表貉則為位

肆師

木

路建大麾以田

巾車

中春教振旅遂以蒐田火弊獻禽以

祭社中夏教芟舍遂以苗田車弊獻禽以享礻中秋教

治兵遂以獮田羅弊致禽以祀祊中冬教大閱遂以狩

田大獸公之小禽私之獲者取左耳徒弊致禽饁獸於

郊入獻禽以享烝

大司馬

天子諸侯無事則歲三田一為

乾豆二為賓客三為充君之庖無事而不田曰不敬田

不以禮曰暴天物

記王制

春蒐夏苗秋獮冬狩皆於農隙

以講事也

左傳

蒐狩以習用戎事禮之大者也

穀梁傳

春曰

田夏曰苗秋曰蒐冬曰狩

同上

子先王之法也豺未祭獸罝罟不通於野鷹隼未擊羅

網不張於臯

文子

史春振旅以蒐夏芟舍以苗秋治兵以獮冬大閱以守

前志

司馬相如嘗從上至長楊獵是時天子方好自擊狝

豕馳逐野獸相如因上疏諫

本傳

元帝幸長楊射熊館布

車騎大獵

本紀

損上林池禦之官廢騁望弋獵之事

後循吏傳

謂光武

明帝車騎校獵上林

本紀

太宗獵於洛陽苑有羣豕

突出林中上引弓四發殪四豕有豕突前及馬轡唐儉

投馬搏之上笑曰何懼之甚對曰陛下神武豈復騁雄

心於一獵乎上大悅為之罷獵

通鑑

先天二年幸新豐獵

於驪山之下魏知古上詩千韻以諫手制答曰余向溫

陽觀省風俗時因暇景掩渭而畋開三面之羅展三驅

之禮無情校獵但慕前禽卿有箴規輔朕不逮今賜物

五十段以申勸獎

舊史

傳記宵田為獠公田為獵

爾雅

獵捷也言以捷取之

蔡邕月令

季秋之月天子乃田獵閑習五兵因以順時取禽

同上

者所以田狩者何也為田除害也上以供宗廟下以簡

示衆也

白虎通

文王齋三日乘田車駕田馬田於渭陽

文韜

唐高祖幸涇陽華池校獵謂羣臣曰今日樂乎蘇代長

進曰陛下遊獵薄廢萬幾不滿十旬未為大樂

通典

集車騎雷起殷天動地綠陵流澤雲布雨施生貔豹搏

豺狼手熊羆足野羊

司馬相如上林賦

歷吉日以齋戒襲朝服乘

法駕建華旗鳴玉鸞游於六藝之圃馳騫乎仁義之塗

同上今陛下好陵險阻射猛獸卒然遇逸材之獸駭不存

之地犯屬車之清塵雖有烏獲逢蒙之伎不得用豈不

殆哉

諫獵書

豈徒欲淫覽浮觀馳騁杭稻之地周流梨栗

之林蹂踐芻蕘誇詡衆庶盛狃獲之收多麋鹿之獲哉

長楊賦

鳥驚觸絲獸駭值鋒機不虛拑弦不再控矢不單殺中

必疊雙颰颰紛紛矰繳相纏風毛雨血灑野蔽天

班固西都賦

窮虎奔突狂兇觸蹶許少施巧秦成力折倚僞狡扼猛
噬天子乃登屬玉之館歷長楊之榭覽山川之體勢

觀三軍之殺獲原野蕭條目極四裔禽相鎮壓獸相枕

藉然後收禽會衆論功賜胙

並同上

若乃順時節而蒐狩

簡車徒以講武則必臨之以王制考之以風雅歷騶虞
覽駟騏嘉車攻采吉日禮官整儀乘輿乃出於是發鯨
魚鏗華鍾登玉輅乘時龍鳳蓋琴麗和鸞玲瓏天官景
從稜威盛容山靈護野屬御方神雨師汎灑風伯清塵

千乘雷起萬騎紛紜元戎竟野戈鋌彗雲羽旄掃霓旌

旗拂天

東都賦

然後舉鋒伐鼓申令三驅輜車霆激驍騎

電驚由基發射范氏施御弦不睨禽轡不詭遇飛者不

及翔走者不及去指顧倏忽獲車已實樂不極盤殺不

盡物馬踠餘足士怒未涂先驅復路屬車按節同僵禽

斃獸爛若磧礫

西京賦

上無逸飛下無遺走

同上

荷垂天之

簞張竟楚之罍

文選

長簞掩壑大羅披澤

魯都賦

楚王獵於

雲夢鼓聲如雷弓聲如霹靂圍內九虎皆下

庾信賦

箭不

麗於六麋弓無驚於九虎

同上

本朝太平興國二年臘日有司請備冬狩之禮上語近臣曰順時蒐狩為民除害非為樂也實訓慶歷五年李東之上言祖宗校獵之制所以順時令而訓戎事也乃詔樞密院考詳先朝校獵制度以聞通考

射禮

經侯以明之注云當行射侯之禮以明善惡之報

書益稷

終日射侯不失正兮

詩猗嗟

發彼有的以祈爾爵

賓之初筵

敦

弓既堅四鏃既鈞舍矢既鈞序賓以賢敦弓既句既挾

四鏃四鏃如樹序賓以不侮

行輩

王大射則共虎侯熊侯

豹侯設其鵠

周禮司裘

鄉師以鄉射之禮五物詢衆庶一曰

和二曰容三曰主皮四曰和容五曰興舞

鄉大夫

春秋以

禮會民而射於州序

州長

以賓射之禮親故舊朋友

大宗伯

凡射王以騶虞為節諸侯以貍首為節大夫以采蘋為

節士以采繁為節

樂師

燕射率射夫以弓矢舞

同上

凡大射

率瞽而歌射節

太師

凡射事飾中舍筭執其禮事

太史

凡射

共獲旌司

常

大射則合諸侯之大耦

大司馬

以射法治射儀

王三獲三容諸侯二獲二容卿大夫一獲一容

射人

王大

射則以狸步張三侯

同上

射則贊張侯以旌居乏而待獲

服不氏

秋合諸射

諸子

張皮侯而棲鵠則春以功

梓人

祭侯之

禮以酒脯醢其辭曰唯若寧侯毋若女不寧侯不屬於

王所故抗而射女強飲強食詔女曾孫諸侯百福

同上

元

日習射上功

記月令

左射狸首右射騶虞而貫革之射息

也

樂記

射有似乎君子失諸正鵠反求諸其身

中庸

古者諸

侯之射也必先行燕禮卿大夫士之射也必先行鄉飲

酒之禮

射義

故射者進退周旋必中禮內志正外體直然

後持弓矢審固持弓矢審固然後可以言中此可以觀

德行矣 射者所以觀盛德也 古者天子以射選諸

侯卿大夫士射者男子之事也因而飾之以禮樂也

諸侯歲獻貢士於天子天子試之於射宮其容體比於

禮其節比於樂其中多者得與於祭 曾孫侯氏四

正具舉大夫君子凡以庶士小大莫處御於君所以燕

以射則燕則譽 孔子射於矍相之圃蓋觀者如堵牆
射之為言繹也或曰舍也繹者各繹已之志也天子
之大射謂之射侯射中則得為諸侯 故男子生桑弧
蓬矢六以射天地四方天地四方者男子之所有事也
射者仁之道也射求正諸已已正而後發發而不中則
不怨勝已者反諸已而已矣並同 君子無所爭必也射
乎揖讓而升下而飲其爭也君子論語 射不主皮為力不
同科古之道也同上

子射有張布謂之侯侯中者謂之鵠鵠中者謂之正正

方二尺正中者謂之鵠鵠方六寸

孔叢子

史大射之禮自天子降及庶人三代之道也

前吾丘壽王傳愚

聞聖王合射以明教矣未聞弓矢之為禁也

同明帝臨

辟雍行大射之禮

後本紀

每享射禮畢正坐自講雖闕里

之化矍相之事誠不足言

樊準傳疏

上賜王公以下射楊素

箭為第一上手以外國所獻金精盤價直鉅萬以賜之

隋書貞觀五年賜羣公大射於武德殿

唐書

傳記宣帝時行射禮博士后蒼為之辭至今記之曰曲

臺記

七畧曲臺天子射宮也

天子所以親射何助陽氣達萬物也

白虎通

天子射熊諸侯射麋大夫射虎豹 天子射百二

十步諸侯射九十步大夫射七十步士以五十步為節

侯者以布為之何布者用人之始也本正則末正矣

名之為侯者何諸侯有不朝者則當討之君子重同類

不忍射之故畫獸射之

並同上

本朝淳化五年詔曰古者大射之禮其廢已久宜令有

司檢討故事草定儀禮以聞遂采三代以降及唐開元
通禮為大射圖其儀皇帝改服武弁射於殿下布七埒
於殿下王公已下依品位而射開樂懸於東西廂中設
熊虎等侯陳賞物於東階以賚能者設豐爵於西階以
罰否者太宗覽而嘉之會咸平四年宴射後苑詔直館
各賦射弓詩同上

鄉飲酒

經魯侯戾止在泮飲酒既醉旨酒永錫難老

詩泮水

以禮

屬民而飲酒於序以正齒位一命齒於鄉里再命齒於

父族三命而不齒

周禮黨正

鄉飲酒之禮所以明長幼之序

記經

鄉飲酒之禮廢則長幼之序失而爭鬪之獄繁矣

同上

鄉飲酒之義主人拜迎賓於庠門之外入三揖而後

至階三讓而後升所以致尊讓也盥洗揚觶所以致潔

也拜至拜洗拜受拜送拜既所以致敬也

鄉飲酒儀

尊有玄

酒貴其質也羞出自東房主人共之也洗當東榮主人

之所以自潔而以事賓也賓主象天地也介僕象陰陽

也三賓象三光也讓之三也象月之三日而成魄也四面之坐象四時也 主人者尊賓故坐賓於西北而坐介於西南以輔賓賓者接人以義者也故坐於西北主人者接人以仁以德厚者也故坐於東南而坐僕於東北以輔主人也 祭薦祭酒敬禮也齊肺嘗禮也啐酒成禮也 六十者坐五十者立侍以聽政役所以明尊長也六十者三豆七十者四豆八十者五豆九十者六豆所以明養老也 賓酬主人主人酬介介酬衆賓少長

以齒終於沃洗者焉 飲酒之節朝不廢朝暮不廢夕

吾觀於鄉而知王道之易易也 烹狗於東方祖陽

氣之發於東方也洗之在阼其水在洗東祖天地之左

海也尊有玄酒教民不忘本也

並同上

史成帝行鄉飲酒禮有雉蜚集於庭

前本紀

伏湛奏行鄉

飲酒禮

後本傳

晉武帝臨辟雍行鄉飲酒之禮

晉禮志

鄉飲

禮入門升階折俎執爵祭酒啐酒執觶奠觶升歌間歌

唐禮志

州貢明經秀才進士孝弟者行鄉飲酒禮主人賓

介之儀畧倣於古

同

貞觀六年詔天下行鄉飲酒禮

唐本

紀

唐明宗拜李愚為相愚請州縣貢士作鄉飲酒禮時

以其迂濶不用

五代史

傳記鄉飲酒之禮無算樂賓出秦陔

儀禮

裴耀卿上疏曰

切見鄉飲酒禮頒於天下比來惟貢舉之日畧用其儀

閭里之間未通其事請令天下轉次造習每年各備禮

儀准令式行稍加觀獎

通典

集臣在州日與百姓勸道行禮奏樂歌至白華華黍由

庚等章言孝子養親及羣物遂性之義或有泣者

文粹
裴耀

卿

本朝淳化三年詔有司講求鄉飲酒故事命學士承旨

蘇易簡等依古樂章作鹿鳴南陔嘉魚崇丘關雎鵲巢

之詩後不果行

會要

投壺

經主人請曰某有枉矢哨壺請以樂賓

記投壺

司射請賓

曰順投為入比投不釋勝飲不勝者命弦者曰請奏

貍首 命酌曰請行觴酌者曰諾當飲者跪奉觴曰賜

灌勝者跪曰敬養正爵既行請立馬一馬從二馬以慶

慶禮曰三馬既備請慶多馬 壺頸脩七寸腹脩五寸

口徑二寸半容斗五升壺中實小豆焉為其矢之躍而

出也壺去席二矢半矢以柘若棘毋去其皮

並同上

晉侯

以齊侯宴

晉平公齊景公

中行穆子相投壺晉侯先穆子曰有

酒如淮有肉如坻寡君中此為諸侯師中之齊侯舉矢

曰有酒如澠有肉如陵寡人中此與君代興亦中之

左傳

史祭遵為將取士皆用儒術對酒設樂必雅歌投壺

後本

傳陳留邯鄲淳奏投壺賦魏文帝以為博士給事中賜帛千

疋

魏志

石崇有妓善投壺隔屏風投之

晉本傳

傳記玉女投壺每投一投千二百梟設有入不出者天

為之嚙噓梟而脫誤不接者天為之笑

廣記

雉歌曲有驍

壺者蓋投壺樂也隋煬帝所造以投壺有躍矢為驍壺

武帝時郭舍人善投壺以竹為矢不用棘云

西京雜記杜詩

云投壺郭舍人

薛舂惑者善投壺龍躍隼飛矢矯無遺箭置壺

於背後却反矢以投之百發百中

命載

投壺實以豆恐其

矢躍也今則以躍為貴謂之驕乃有倚竿帶劍狼壺豹尾龍首之名其妙者有蓮花驕又為小障置於外投之

顏氏家訓

本朝投壺可以治心可以脩身可以為國可以觀人何以言之夫投壺者不使之過亦不使之不及所以為中也不使之偏陂流散所以為正也觀夫臨壺荷矢之際性無羸密莫不聳然恭敬志存中正雖不能久可以習

焉豈非治心之道歟一矢之失猶一行之虧也豈非脩身之道歟兢兢業業謹終如始豈非為國之道歟君子之為之也確然不動其心儼然不改其容未得之而不懾既得之而不驕小人之為之也俯身引臂挾巧取竒苟得而無愧豈非觀人之道歟世傳投壺皆以竒雋難得者為右是亦投瓊探闔之類耳非古禮之本意也余今更定新格增損舊圖以精密者為右偶中者為下使夫用機徼倖者無所措手焉


司馬文正公

邵康節與李君錫

投壺君錫末箭中耳曰偶爾中耳康節應聲曰幾乎敗

壺坐客以為的對

聞見錄



記纂淵海卷七十七